

**ՔԱՂԱՔԱՑԻԱԿԱՆ ԾԱՌԱՅՈՒԹՅԱՆ ՊԱՇՏՈՆԻ ԱՆՁՆԱԳԻՐ**

**ՀՀ ԲԱՐՁՐ ՏԵԽՆՈԼՈԳԻԱԿԱՆ ԱՐԴՅՈՒՆԱԲԵՐՈՒԹՅԱՆ ՆԱԽԱՐԱՐՈՒԹՅԱՆ ԹՎԱՅՆԱՑՄԱՆ  
ՎԱՐՉՈՒԹՅԱՆ ԿԻԲԵՌՆԱՎՏԱՆԳՈՒԹՅԱՆ ԲԱԺՆԻ ՄԱՍՆԱԳԵՏԻ**

**1. Ընդհանուր դրույթներ**

**1.1. Պաշտոնի անվանումը, ծածկագիրը**

ՀՀ բարձր տեխնոլոգիական արդյունաբերության նախարարության (այսուհետ՝ Նախարարություն) թվայնացման վարչության (այսուհետ՝ Վարչություն) կիբեռանվտանգության բաժնի (այսուհետ՝ Բաժին) մասնագետ (ծածկագիր՝ 24-32.1-Մ6-3):

**1.2. Ենթակա և հաշվետու է**

Մասնագետն անմիջական ենթակա և հաշվետու է Բաժնի պետին:

**1.3. Փոխարինող պաշտոնի կամ պաշտոնների անվանումները**

Մասնագետի բացակայության դեպքում նրան փոխարինում է Բաժնի ավագ մասնագետներից մեկը:

**1.4. Աշխատավայրը**

ՀՀ, ք. Երևան, Կենտրոն վարչական շրջան, Վ.Սարգսյան 3/3

**2. Պաշտոնի բնութագիրը**

**2.1. Աշխատանքի բնույթը, իրավունքները, պարտականությունները**

**Գործառույթները՝**

- 1) Մասնակցում է կիբեռանվտանգության միասնական քաղաքականության, օրենսդրության, գործողությունների ծրագրերի, կիբեռահասունության բարձրացման միջոցառումների և համապատասխան միջազգային պարտավորությունների կատարման իրականացմանը,
- 2) Մասնակցում է ամպային ծառայությունների միասնական քաղաքականության, ստանդարտների, սկզբունքների և տեխնիկական ենթակառուցվածքի ձևավորման միջոցառումների մշակմանը և իրականացմանը,
- 3) Մասնակցում է արհեստական բանականության և տվյալագիտության, կիբեռանվտանգության և հարակից ոլորտներում միջազգային և միջգերատեսչական հանձնաժողովներին, համագործակցային հարթակներին, պայմանագրերի և ծրագրերի մշակման գործընթացներին,
- 4) Մասնակցում է արհեստական բանականության, տվյալագիտության, կիբեռանվտանգության և հարակից ոլորտներում միջպետական համագործակցության ծրագրերի պլանավորման, համակարգման, մշտադիտարկման և գնահատման աշխատանքներ,
- 5) Մասնակցում է արհեստական բանականության կիրառման ցուցանիշների հիման վրա իրականացվող մասնագիտական վերլուծությանը:

**Իրավունքները՝**

- 1) Ուսումնասիրել կիբեռանվտանգության, տվյալների միասնական քաղաքականության և ամպային ծառայությունների միասնական քաղաքականության, ռազմավարությունների մշակման նպատակով

պետական կառավարման համակարգի մարմիններից ստացված տեղեկատվությունը և ներկայացնել առաջարկություն,

- 2) արհեստական բանականության և տվյալագիտության, կիրառական տեխնոլոգիաների և հարակից ոլորտներում միջազգային և միջգերատեսչական հանձնաժողովներին, համագործակցային հարթակներին, պայմանագրերի և ծրագրերի մշակման նպատակով պետական կառավարման համակարգի մարմիններից ստանված տեղեկատվությունը,
- 3) ուսումնասիրել արհեստական բանականության կիրառման ցուցանիշների վերաբերյալ տեղեկատվությունը և ներկայացնել առաջարկություն:

### **Պարտականությունները՝**

- 1) աջակցել կիրառական տեխնոլոգիաների միասնական քաղաքականության, օրենսդրության, գործողությունների ծրագրերի, կիրառական տեխնոլոգիաների բարձրացման միջոցառումների և համապատասխան միջազգային պարտավորությունների կատարման իրականացմանը,
- 2) աջակցել ամպային ծառայությունների միասնական քաղաքականության, ստանդարտների, սկզբունքների և տեխնիկական ենթակառուցվածքի ձևավորման միջոցառումների մշակմանը և իրականացմանը,
- 3) աջակցել և արհեստական բանականության և տվյալագիտության, կիրառական տեխնոլոգիաների և հարակից ոլորտներում միջազգային և միջգերատեսչական հանձնաժողովներին, համագործակցային հարթակներին, պայմանագրերի և ծրագրերի մշակման գործընթացներին,
- 4) աջակցել արհեստական բանականության, տվյալագիտության, կիրառական տեխնոլոգիաների և հարակից ոլորտներում միջպետական համագործակցության ծրագրերի պլանավորմանը, համակարգմանը, մշտադիտարկմանը և գնահատմանը,
- 5) աջակցել արհեստական բանականության կիրառման ցուցանիշների հիման վրա իրականացվող մասնագիտական վերլուծությանը:

### **3. Պաշտոնին ներկայացվող պահանջները**

#### **3.1. Կրթություն, որակավորման աստիճանը**

Առնվազն միջնակարգ կրթություն:

#### **3.2. Մասնագիտական գիտելիքները**

Ունի գործառույթների իրականացման համար անհրաժեշտ գիտելիքներ:

#### **3.3. Աշխատանքային ստաժը, աշխատանքի բնագավառում փորձը**

Աշխատանքային ստաժ չի պահանջվում:

#### **3.4. Անհրաժեշտ կոմպետենցիաներ**

##### **Ընդհանրական կոմպետենցիաներ՝**

1. Հաշվետվությունների մշակում
2. Տեղեկատվության հավաքագրում, վերլուծություն
3. Բարեվարքություն

##### **Ընտրանքային կոմպետենցիաներ՝**

1. Ժամանակի կառավարում
2. Փաստաթղթերի նախապատրաստում

### **4. Կազմակերպական շրջանակը**

#### **4.1. Աշխատանքի կազմակերպման և ղեկավարման պատասխանատվությունը**

Պատասխանատու է կառուցվածքային ստորաբաժանման աշխատանքներին մասնակցության, որոշակի մասնագիտական գործառույթների իրականացման համար:

#### **4.2. Որոշումներ կայացնելու լիազորությունները**

Կայացնում է որոշումներ կառուցվածքային ստորաբաժանման աշխատանքներին մասնակցության, որոշակի մասնագիտական գործառույթների իրականացման շրջանակներում:

#### **4.3. Գործունեության ազդեցությունը**

Ունի ազդեցություն կառուցվածքային ստորաբաժանման աշխատանքներին մասնակցության, որոշակի մասնագիտական գործառույթների իրականացման շրջանակներում:

#### **4.4. Շփումները և ներկայացուցչությունը**

Իր իրավասության շրջանակներում շփվում է տվյալ մարմնի կառուցվածքային ստորաբաժանումների ներկայացուցիչների հետ, ինչպես նաև տվյալ մարմնից դուրս որպես ներկայացուցիչ շփվում է պատվիրակված լիազորությունների շրջանակներում:

#### **4.5. Խնդիրների բարդությունը և դրանց լուծումը**

Իր լիազորությունների շրջանակներում մասնակցում է մասնագիտական խնդիրների բացահայտմանը և այդ խնդիրների լուծման մասով տալիս է մասնագիտական առաջարկություն: